

## Vischnanca dad Albula/Alvra – examinaziun da las zonas da privel – zona da planisaziun

Sa basond sin l'art. 21 da la Lescha davart la planisaziun dal territori per il chantun Grischun (LPTGR) ha la suprastanza communal da Albula/Alvra relaschà a chaschun da sia seduta dals 19 da schaner 2021 ina zona da planisaziun.

Intent da la zona da planisaziun:

- examinar a moda cumplexiva las zonas da privel en il plan da zonas entaifer il perimeter da la bova da Brinzauls  
Territoris pertutgads da la zona da planisaziun:
- parts da Vazerol, Casti e Surava

La cunfinaziun exacta dals territoris pertutgads da la zona da planisaziun è fixada en il plan 1:5'000 agiuntà. Ils plans èn er exponids per invista en la chanzlia communal da Casti e sin la pagina-web da la vischnanca dad Albula/Alvra ([www.albula-alvra.ch](http://www.albula-alvra.ch) > Actual).

La zona da planisaziun entra en vigur immediat e vala ad interim fin ils 24 d'avrigl 2022. Questa zona da planisaziun supplementara sa basa sin las pli novas enconuschientschas davart il perimeter dal donn potenzial ed è vegnida relaschada ils 14 da december 2020 tenor recumandaziun da la Cumissiun da privels 2 responsabla.

Las suandantas zonas da planisaziun, ch'èn gia vegnidas relaschadas en connex cun il perimeter da la bova da Brinzauls, restan en vigur senza midadas:

- la zona da planisaziun relaschada ils 18 d'avrigl 2017 da la suprastanza communal e prolungada cun la publicaziun dals 26 da mars 2019;
- la zona da planisaziun relaschada da la suprastanza communal ils 7 d'avrigl 2020 e publitgada ils 24 d'avrigl 2020.

En la zona da planisaziun dastgan vegnir lubids unicamain projects da construcziun che na cuntrafan betg a las mesiras previsas. Suenten che la Regenza dal chantun Grischun ha approvà ils meds da planisaziun revedids, vegn la zona da planisaziun puspè annullada.

Cunter questa decisiun pon ins far recurs entaifer 30 dis dapi la publicaziun tar la Regenza dal chantun Grischun.

Casti, ils 2 da favrer 2021

La suprastanza communal Albula/Alvra